

# U a Manu Ninii ma Faamanuiaga



Sa manaomia e Carlos se fesoasoani.

Saunia e Jane McBride  
(E faavae i se tala moni)

O lenei tala sa tupu i le ISA.

Sa faaū Carlos ia te ia lava i le faata o le faletaele. O ona foliga ma ogalima sa lanu piniki sesega. Sa sili atu le leaga o lona mu i le la nai lo le mea sa ia mafaufau i ai. Ma sa ia te ia le tele o mageso mai u a manu ninii i ona lima ma vae. Sa manaia le savaliga sopo ma lana vasega Peraimerī, ae o lea ua tiga atoa lona pa'u!

Sa tilotilo atu Carlos i lana atofaafafa i luga o le fola. O le fagu mo le uuina o le tino mo le la ma le fagu mo manu ninii sa teuina e Tina i le ato o loo i ai pea i totonu. Sa tatau ona ia faaogaina e pei ona ia fai atu ai ia te ia. Ae sa ia manatu na te le manaomiaina.

Sa tatala e Carlos le kapoti ma maua ai le fagu laitiiti sa masani ona faaoga e lona tina mo pa'u

o le tino pe a mu i le la. Sa ia miliina le kulimi i ona foliga. Sa manaia le lagona malu i lona pa'u vevela.

Na sosoo ai ma le tuuina e Carlos o le kulimi i ona lima. Ae sa le mafai ona ia maua le kulimi mo u a manu ninii. E le'i umi ae fiu o ia. Sa ia manaomia le fesoasoani. E tatau ona ia talanoa ia Tina.

Na maua e ia Tina i le umukuka. Ina ua vaai atu [tina] i ona foliga mu mai le la, sa foliga popole o ia.

Sa manatu Carlos o le a ita tina ia te ia ona o le le uuina o lona tino i le kulimi mo le la. Ae sa le'i faapena tina.

"O seki oe?" sa ia fesili ai "Ai se tiga tele o lona mea."

"Ioe." Sa punou i lalo lona ulu. "E mafai ona e fesoasoani mai ia te a'u? Faamolemole?"

"Ioe." Na taitai atu e Tina ia Carlos i le faletaele. Sa tilotilo atu o ia i le kapoti ma toso mai i fafo se fagu laitiiti.

"E tatau ona fesoasoani le mea lenei i u e taofi ai le mageso," o lana tala lea. Sa ia miliina sina tamai kulimi i luga o u taitasi.

"Ia lenei," sa ia fai atu ai, ma tapuni le kulimi. "Ou te faamoemoe o le a fesoasoani lenei ia te oe e maua ai se lagona lelei."

"Faafetai, Tina." Sa tilotilo ifo Carlos i lalo i le fola. "Ou te faamalie atu o'u te le'i faaogaina mea na e teuina mo a'u. Sa tatau ona ou faalogo ia te oe. Sa ou faapea na sili atu lo'u iloa, ae leai."

Sa kisi atu [tina] i le pito i luga o lona ulu. "E le afaina. O nisi taimi ou te manatu ai ua sili atu foi lo'u iloa. Ona faali mai lea e le Tama Faalelagi ia te a'u e le'i sili atu lava lo'u iloa." Sa fai ifo lona leo i se musumusu. "E oo lava i tagata matutua e mafai ona faia ni mea sese."

Na ata Carlos Ona ia faanonou lea. "Ana faapea ou te usitai ia te oe, ou te le tiga tele i le taimi nei."

"Ou te manatu o le lagona lenei o le toatele o fanau a le Tama

## O POLOAIGA O NI FAAMANUIAGA

E tuuina mai e le Tama Faalelagi ia i tatou poloaiga ona e alofa o Ia ia i tatou. E finagalo o Ia ia tatou saogalemu ma faia filifiliga lelei ina ia mafai ai ona tatou toe mau faatasi ma Ia. Pe a tatou usiusitai ia te Ia ma tumau i luga o le ala o feagaiga, Na te faamanuiaina i tatou (tagai Mosaea 2:41). Ma a tatou le usitai, e mafai ona tatou salamo ma toe taumafai ona o Iesu Keriso ma Lana Togiola.

Faalelagi pe a latou le usitai ia te Ia," o le tala lea a Tina. "Latou te moomoo maimau pe ana latou faalogo ia te Ia. Ma e tiga o Ia mo Ana fanau pe a latou tiga, e pei lava ona ou tiga mo oe i le taimi nei."

"Ae e mafai ona Ia fesoasoani ia i latou ia maua se lagona lelei," o le tala lea a Carlos. "E pei lava ona e fesoasoani ia te a'u. E sao?" "E sa'o! A tatou salamo, e mafai ona fesoasoani mai le Tama Faalelagi ma Iesu Keriso ia i tatou. Ona mafai lea ona tatou faia ni filifiliga lelei atu i le lumanai."

Sa ataata foi Carlos. O loo tiga pea le mu o lona tino mai le la ma u a manu ninii, ae sa ia iloa o le a faamaloloina o ia. Ma o le isi taimi, e mafai ona ia faia se filifiliga sili atu! ●